

PIREMÕ WÛR Pawrô Jõ Kàhhôc

Pê Roman catêjê me hõ krĩa kam Pawrô jaxà, pê curiaJeju cwÿrjapê ajco ihkrĩ. Ne pê Pawrô Jeju na mehwÿ nõ japrÿ te Piremõ ita mã, pom cu me hõ kàhhôc cahyt ita kujate. Na pê hõ kàhhôc ita japrÿ pê **Piremõ WÛr, Pawrô Jõ Kàhhôc** (Piremõ).

Ne pê hũmre nõ japrÿ te Oneti ita, Piremõ itamã cama apu hàpên to ipa, ne cormã to new catia kam ma aracricupê tẽ. Pê cormã nee Jeju to amji mãihhimpej to ipa nare kam, pê Oneti ata hane. Ne ihtÿj ajco apu ampo kêanre ton to ipa. Mã Roman catêjê te, cute ampo kên ton atajê na me hõmpun, ne mehpro ne me haxàr, mã ihkrĩ. Ne curia ri cute Pawrô cajpar.

Mã Pawrô te Oneti mã Jeju jarên, mã cute ihtÿj amjimã to ihhimpej to ipa. Jirô pê mã ri ma ita caxuwOneti hacpÿa mã hõ pahhi Piremõ wÿr ihkràr. MãOneti jõ pahhi ata pê cormã hõ pahhi rohnÿtti mã. Ne Oneti mã hõ pahhi pê Piremõ ata cupa. Ampo na? Pê nee cumã amji jarên nare, ne cormã to new catia kam, aracri cupê tẽ, cwÿrjapê ri cumã hũpa. Mã Pawrô te ramã Piremõ pupun pejtu, na ri cute cumã ihkàhhôc ita ton, mã cute hacpÿa mã Oneti na amji caxàr prãmte.

Pê Pawrô Piremõ mã amji jarẽ

¹ Hàpà Piremõ, apê me ijõikwỳ nõ, ne apê me ikwỳa nõ, me ijàpên xàkam. Ỡhỹ, ipê Pawrô, ne pa waha amã ihhòc. Pê Roman catêjê me ijaxà, wa mehacjên xà kam ikrĩ, Roman jô krĩa kam, Jeju Crixto cwỳrjapê, ne me pahtõ Timot me, wa apu amã ihhòc.

² Ne wa ha hanea ne gũrkwa kam, cute me cuprôn atajê mã mehhòc. Ne ihkàhhòc ita, ca ha hanea ne me pahkjê cahãj pê Apijkwỳj me Arquipo pêicahê na cute amji pupun kêanre catê ata mã, ca ha me cahyt.

³ Imã Pahpãm pê me pajõ Inxũ Cati me, mepajõ Pahhiti pê Jeju Crixto te me ato impejti, ne meamã ihcarĩcti jõr na me ato prãm.

Piremõ te amji kam hapac xà

⁴ Na wa ijõtpê ampeaj kam, meate Pahpãm kôt amji ton ita na, cumã me acajrênto ipa. Ne wa ato amji japackre, ne apyrên ijakryti na, Pahpãm mã amji jarê.

⁵ Ne amã Pahpãm na mehkwyçunea kĩnti, na ca atỳj me pajõ Pahhiti pê Jeju toamji mã ahimpej to apa. Wa ite ramã cute amji mã ita na me garên na, garên par.

⁶ Cu ha me pahcunea Jeju te amji kam hapac xà kam me ajpên hõnco tu ne. Ne ca xwỳjê, ca hanea ne, ate me icahê na amji hõnco tu. Cwỳrjapê ri, Jeju pĩn ampopejti hapôj atajê, cu hãn nepahtỳj amji mã me cucwa. Ne ampo itajê jàhtôa tohàhtô, wỳr cu me pahnõ hàhtô na hahkre pej, cu nee mepahnõ hahkre pej nare. Na wa ha ijõtpê Pahpãmna ahwỳ, mār cu me

Pahpãm te me pamãampo pejti jõr xà atajê na me hahkre pej.

⁷ Ýhÿ, ikjê impejti ata, apyrên ijakryti, ne apyrên imã amji kînti. Ampo na? Amã Pahpãm na mehkwy cunea kian to mehkîn, ca ramã ate me hïcunea kam, me cumã me hakry ton crire nare.

Pê Pawrô Oneti mã Piremõ na ahwy
Roman 15.7; Epet 4.32

⁸ Cwÿrjapê cu Jeju kam ajpên topahkjê ita kam, nee imã ate ampo ton xàata na, ijarkwa hyr to ihtÿaj to prãm nare.

⁹ Ne imã akînti ita, imã ana ijàhwÿr na pit mã awjahkre, na wa ha cama ana ahwy. Ipê Pawrô, wa Jeju jaxà kam ijàhhuc ne apu ipa, neincwÿrjapêa wa me hacjên xà kam ijÿr cakrô, wa ha cama ana ahwy, ne nee amã ijarkwa hyr to ihtÿaj nare.

¹⁰ Ne ite Jeju Crixto kam Oneti, por cupê amã hàpên catê ata to amji kra ata mã wa ite ana ijàhwÿr xà ita to ana ijàhwÿr. Ampo na? Wa cormã me hacjên xà kam ikrî, ne ahnaaite Pahpãm wÿr Oneti pipkjêr na ihtehcajpar, na wa ite amji to Oneti pãm.

¹¹ Pê mam Oneti amã ampo na hamreare, ne ita caxuw ihtÿj ampo cunea caxuw amã ipa ne impej, ne hanea ne imã ampo cunea caxuw impej.

¹² Ne ampeaj kam imã ihkîn cakrô, wa ha hacpÿamã amã ihkujate, ne wa ha itÿj hakàn pê to ijapac xà. Cakrô wa ha itÿj awcanã.

¹³ Ne wa ma amji na to ipijarõ prãm. Ampo na? Pom cuteJeju jũjarẽn pejti cwÿrjapê me ijaxàr, wa kam ikrĩita kam, cute gaxà kam, itehcajpar prãmte.

¹⁴ Wa nee ate itehcajpar na ato ihtÿj prãm nare. Imã ate amjia kôt imã hõr na ato prãm. Ca ha caa imã Oneti te itehcajpar hahkre, wa ha cormã amji na huwahi.

¹⁵ Mõrmõ Pahpãm te apê Oneti tẽm na hamãr, na ri ma apê tẽ. Ne quẽ ha taa ita caxuw ihtÿj awÿr to amji jaxà, quẽ ha ana ahtwÿ.

¹⁶ Nãmri mam pẽ cupẽ cama amã hãpẽn catê, ne ita caxuw ri, nee cute amji kam hapac xà pẽ mam cute amji kam hapac xà ata nare. Ne quêt ita caxuw cute Jeju to Ihà, na ri cupẽ me pahkjê. Ne imã ihkĩan to ihkĩn. Ne quẽ ha ijirõa pẽ amã ihkĩn, pẽ mam cupẽ amã hãpẽn catê pit, ne ita caxuw cupẽ akjê pẽ amã hãpẽn catê, cwÿrjapê quẽ ha amã ihkĩn.

¹⁷ Hõ, ca ha ate ito amji kwÿ na, ca ha Oneti na amji caxàr to hanea, pom ca hãn ne ina amji to pøj he.

¹⁸ Quẽ ha cute apê ampo to ipictor na, nare, quẽ ha cute ato new na, wa ha pa amã amgõ.

¹⁹ Ne pom ijũhkraa to ite amã ijãhhõc to incrire ita te hajÿr he: “Ipê Pawrõ, wa ha pa amã amgõ” hane. Pẽ wa ramã Pahpãmwÿr amõr na, atehcajpar crire nare, ata pêteate ito new catia pyràc. Cakrõ, wa ha nee ate imã Oneti jõr na ato ihtÿj nare.

²⁰ Ÿhÿ Jeju kam jõhhêwre, ca ha imã ite amji kam ijapac xà ita ton to hane, wa ha apÿrẽn

ijakrya to ijakry, quê ha me pajõ Pahhiti pê Jeju Crixto akôt ito impejti ne.

²¹ Ne wa cormã jÿ ne ihhóc kwÿa kam, ite ramã ato amji japackre, ca ha atÿj ite ampo na awÿr xà ita to imã, nare, ca ha ite ahna amẽn xà ita jirôa pê to imã.

²² Ne wa ha hanea ne ana ahwÿ, ca ha imã ikre caxwÿn nõ caprã, he wa itÿj me ate Pahpãm na me gãhwÿr xà ita kôt cute ijamãr, wa hipêrme awÿr itêm na amji mã to hane.

Pê Pawrô me, mehkwÿ Piremõ mã amji jarẽ

²³ Ne pom Epapra icahe na me hacjên xà kam Jeju Crixto cwÿrjapê ihkrĩ itajê te hanea ne me amã amji jarẽn kujahêc.

²⁴ Ne pom me ikwÿ itajê te ri me amã amji jarẽn kujahêc he: Macô me, Aritarcô me, Tema me Ruc.

²⁵ Ne imã me pajõ Pahhiti pê Jeju Crixto te me acunea to impejti na me ato prãm. Hamre.

PAHPÃM JARKWA CUPAHTI JÕ KÀHHÔC
Canela: PAHPÃM JARKWA CUPAHTI JÕ KÀHHÔC
(Portions)

copyright © 2012 Wycliffe Bible Translators, Inc.

Language: (Canela)

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 1 Oct 2024 from source files
dated 29 Jan 2022

09d4e460-c38b-52b7-81c1-8300bfeb466a